

DEO OPT. MAX. VNI ET TRINO, VIRGINIQ; DEIPARÆ ET S. LVCAE ORTHODOXORVM MEDICORVM PATRONO.

QVÆSTIO MEDICA.

CARDINALITIIS DISPVLTATIONIBVS MANE DISCVTIENDA

IN SCHOLIS MEDICORVM DIE IOVIS IV. MARTII.

M. IACOBO IOVVIN Doctore Medico, Moderatore.

An gravidū Exercitatio?

MNE quod est in rerum naturā per motum est, morūque subsistit: quem qui destruit, naturæ vim & essentiam planè nescit. Hominis elementa is vnus vrget, ducitque primam in crassa-
mento seminali lineam partium: manum de tabulā ponit vltimus. Nec potiora fœtus in vtero suæ *μητρὸς* præbet argumenta, quā moru: maturiore quidem maribus, fœmellis tardiore. Is
nempe vitæ author, custos & vindex. Quare qui vitam natui caloris permansione definunt, otiosè nimis philosophantur. Simul anima, simul & motus: qui & inanimis pro anima est. Igitur ne
mirère si vitæ non causariæ, sed integræ beneficium, sanamque mentem exercitationi debeas: quæ corpus & animam assiduo motu, velut meliore pabulo reficit. Hac arte fit Heros, non nasci-
tur: adeo vtrique parti inimica ignavia, vt robusto, & ad Polycleti normam exacto corpori *κατάληπον, ἀκρίτως* animo in meliora nato, turpem *ἀμαθίαν* veterum procuret.

MOLLIORIS sexus discrimen, aliæque instituta vitæ otio diffuere fo: minam non sistent. Hæc tamen generationis causā nata sit, vt fecundo complexu genus humanum suā caducum
sorte, nouā subinde prole bearet: non eò tamen spectat corporis vtriusque copula, vt iucundissima modò, verum-etiam vtilissima societas ineat: quæ educandis liberis, comparandisque opibus
parem ferè deposcit amborum collaborationem. Nec enim vtrique par est, & æquale corporis robur: quod mas solidum densumque, molle fœmina & laxum obtinuit, vt veluti subactò
terræ gremio, virile semen fœcundaret, & in formando alendoque fœtu tota sui mole pateret commodius. Ideoque naturæ consilio videtur illa domi ad *ἐργασίαν* familiaria officia destinari; is ve-
rò ad extraneum & forense negotium. Quibus certè muneribus plerūque nocet mulieris studium formæ & plus æquo curati oris veneres; sic enim eruditā salacitate, solis hæret viri complexi-
bus, & desidiofum quoque suum facit nimis adblandiendo contubernalem: damno legitimæ veneris cū viro ad *σωτηρίαν*, tum mulieri ad *ινουσίαν*, non mediocri.

SI generi consultum velis, puellarum corpora exercitationis laboribus maturè sunt committenda; quā sine manet irrita naturæ fœcunditas, aut frustra studes sterilitatis causas amoliri. Vt pa-
lustris solo, sic inter locorum colliquias suffocantur malè collocata femina. Incommodo situ vterus & laxioribus vagus retinaculis, aut prominulus, pendulusque non satis fidelis ac diligens
habetur feminum custos, ni quod est oneri, de tam iniquā mole, opportunā exercitatione subdlexeris; cuius gratiā est, quod excrementis vacet corpus, partium robur vigeat, vteri vincula obfirmen-
tur, toto habitu flos integer sanguinis micet, menstruisque vteri commearis statā legerisignetur: Imo neque *πῶς ἐλαττωθῆναι*, si exercueris, mucò permadescere comperies; ita benè paratur ad con-
ceptum vterus, vt feminis aliās fastidio languidus, nunc rapiat sitiens venerem interiūque recondat. Haud aliter crudum ac sterile solum, fossione, occatione, repastinatione, fit restibile. Con-
tra verò squalè, scabie, & vastitudine agri vel etiam optimi fœcunditas perit.

LABOREM præ grauiditate deprecari iniquum est, & intutum. Ad gestationem facilem, felicemque partum nihil eo conducibilis. Si quæ ergo mulier est vtero graui, frequenti nec mole-
stā exercitatione corpus sibi præcet *ἱσχυρὰν* quibus enim impuris scatet humoribus, his muscoli abdominis ignauiores superfluo madore soluuntur. Impotens sui aqualiculus extat, aut præ-
maturè *απορροαίνον*, fœtu ossibus pubis, totique veneris ossio imminente: vt nisi iniectis fasciis continueris, transuerfus agatur, & alieno situ sese proripiat foras; vnde inauspicata matribus Luci-
na: nonnullis *μυῖται* cotyledones implent, & ante tempus abortione fœtum excutunt. Tot mala in vita deside! cui, quæ student, totius ventris corium *ἀσθενέον*, rugis & fulcis exaratum, descri-
ptumque à partu frustra pharmacis, aut vinculis explicandum satagunt. His omnibus medicina exercitatio: quæ carnes *πύκνας* & *ἰσχυράς* reddit, musculorum abdominis *ἰσχυρὰς, & σπέρματα* in anti-
quam legem contrahit, coactā breuitate, non minus continendo patientius fœtui, quā meliorevi, & tempestiuitate deponendo opportunā.

QUOD ars Medica prægnantibus imperat, id belluas instinctu quodam natura docuit. Viden, vt fœtæ nocturnum diurno miscent laborem, nullā suspensi etiamnum vteri iniuriā? Vt Ceruæ,
& Oues gradiendo, pascendoque sine molestiā fœtus deponunt, solā per assuetum exercitationis motum obstetricante naturā. Ita spontè illis vnā cum fœtu chorion prodit, quod *ἐκάλυον* mulier-
cularum vtero tenaciū hæret. Oviparæ incubantes, oua subinde versant, aut summis nidulantur arboribus, an alio voto? quā, vt pulsata statibus arbore, leuem oua, velut in pensili lecto se-
quantur motum. Sua pisces profluenti sustinenda tradunt, & agitando. Fructibus etiam tum grauis annus, cū *πῶς τοιοῦτο ἐμάλειπεν πάλιν πνα χέρον καὶ πάλιν κινῶν, καὶ φορῶν*. Nec immeritò quondam præ-
gnantes matronæ Iunoni Lucinæ delubra pedibus adire iubebantur, vt quod in eas ratio non potuerat, religio saltem obtineret. Hinc principibus fœminis minor fœcunditas, infida magis gestatio,
partus durior, & in his omnibus Scythicarum famularum quā dominarum potior conditio: quibus *διὰ τὴν πλεονεξίαν καὶ ἰσχυρότητα τῆς σπινῆς* nec frustratur conceptus, nec perit: mutarent tamen illæ
suam sortem, si ab otio ad laborem diuerterent, cū quod natura negauerat, matres ille fecerit; adeo *τὸ ἀπὸ φόνου, τῷ πότῳ: καὶ καὶ φόνου, ἐξέρεται καὶ φόνου*.

Ergo gravidū Exercitatio.

Proponebat Lutetiæ GERMANVS HVREAV Parisinus, A. R. S. H. M. DC. XLIX.

F.M.P.
BIBLIOTHEQUE